

উপজেলা পরিষদ  
রূপগঞ্জ, নারায়ণগঞ্জ

বিষয় : অক্টোবর/২০২০ মাসে অনুষ্ঠিত উপজেলা পরিষদ সাধারণ সভার (জুম কনফারেন্স) কার্যবিবরণী

সভাপতি : মোঃ শাহজাহান ভূইয়া  
চেয়ারম্যান, উপজেলা পরিষদ, রূপগঞ্জ, নারায়ণগঞ্জ  
তারিখ : ০৮-১০- ২০২০  
সময় : সকাল ১১:০০ টা  
স্থান : উপজেলা পরিষদ মিলনায়তন, রূপগঞ্জ, নারায়ণগঞ্জ

রূপগঞ্জ উপজেলার বীর মুক্তিযোদ্ধা আল আমিন ভূঞা, সাবেক কমান্ডার, উপজেলা মুক্তিযোদ্ধা কমান্ড এর মৃত্যুতে সভায় গভীর শোক প্রকাশ করা হয় এবং মরহুমের আত্মার মাগফিরাত কামনা করা হয়। অতঃপর উপস্থিত সদস্যবৃন্দকে স্বাগত শুভেচ্ছা জানিয়ে সভার কাজ আরম্ভ করা হয়। সভা পরিচালনার জন্য উপজেলা নির্বাহী অফিসারকে অনুরোধ জানানো হয়। বিগত সভার কার্যবিবরণী পাঠক্রমে সর্বসম্মতিক্রমে গৃহীত ও অনুমোদিত হয়।

সভায় বিভাগওয়ারী আলোচনা ও সিদ্ধান্ত নিম্নরূপ :-

নং	বিভাগ	আলোচনা	সিদ্ধান্ত	বাস্তবায়ন
১	স্বাস্থ্য বিভাগ	উপজেলা স্বাস্থ্য ও পরিবার পরিকল্পনা কর্মকর্তা বিশ্বব্যাপী করোনা ভাইরাস মহামারী আকারে ছড়িয়ে পড়ায় দুঃখ প্রকাশ করেন। আমাদের দেশে এ ভাইরাস আক্রান্তের সংখ্যা বেড়েই চলছে। এ ভাইরাস নিয়ন্ত্রণে সকলকে শতভাগ স্বাস্থ্যবিধি গাইড লাইন অনুসরণ করতে হবে। অদ্যাবধি রূপগঞ্জ উপজেলায় করোনায় আক্রান্ত মোট ১৩৭০ জন, এর মধ্যে সুস্থ হয়েছে ১৩২১ জন, মোট মৃত্যু ১২ জন। এ ভাইরাস হাঁচি, কাশির মাধ্যমে এক জন হতে অন্য জনের কাছে ছড়ায়। প্রথমত নিজেকে নিরাপদ রাখতে হবে। সবাইকে মাস্ক, হাত গ্লাভস ব্যবহার করতে হবে। কোন ব্যক্তি আক্রান্ত হলে সে অবশ্যই মাস্ক ব্যবহার করতে হবে। কিছুক্ষণ পর পর সাবান দিয়ে ২০/৩০ সেকেন্ড ধরে হাত ধৌত করতে হবে। প্রতিটি শিক্ষা প্রতিষ্ঠানে শিক্ষার্থীদের হাত ধোয়ার বিষয়ে সচেতন করে গড়ে তুলতে হবে। দপ্তরের অন্যান্য কার্যক্রম স্বাভাবিকভাবে চলমান রয়েছে।	সেবার মান সন্তোষজনক পর্যায়ে রেখে কাজের ধারা অব্যাহত রাখার জন্য উপজেলা স্বাস্থ্য ও পরিবার পরিকল্পনা কর্মকর্তাকে অনুরোধ জানানো হয়।	উপজেলা স্বাস্থ্য ও পরিবার পরিকল্পনা কর্মকর্তা
২	উপজেলা প্রকৌশল বিভাগ	পরিশিষ্ট-ক দ্রষ্টব্য		
৩	কৃষি বিভাগ	উপজেলা কৃষি কর্মকর্তা বলেন, ২০২০-২০২১ অর্থ বছরে চলতি খরিফ-২ মৌসুমে মাসকলাই উৎপাদন বৃদ্ধির লক্ষ্যে বিনামূল্যে বীজ ও রাসায়নিক সার(ডিএপি ও এমওপি) সরবরাহ করার নিমিত্তে ৫০ জন কৃষক ৫০ বিঘা জমি আবাদের জন্য বরাদ্দ পাওয়া গিয়াছে। বিভিন্ন ইউনিয়নে মাসকলাই আবাদি জমির উপর ভিত্তি করে ইউনিয়ন ওয়ারী ভিভাজন করা হয়েছে। এবং গত ০৯/০৯/২০২০খ্রিঃ তারিখ বীজ ও সার বিতরণ করা হয়েছে। ২০২০-২০২১ অর্থ বছরে চলতি খরিফ-২/২০২০-২১ মৌসুমে ক্ষয়ক্ষতি পুষিয়ে নিতে বন্যা দুর্গত ক্ষতিগ্রস্ত ক্ষুদ্র প্রান্তিক কৃষকদের মাঝে বিনা মূল্যে শাক-সবজির বীজ বিতরণের জন্য ৩১০ জনের বরাদ্দ পাওয়া গিয়াছে। এ কর্মসূচির আওতায় অধাধিকার তালিকা ভুক্ত একটি কৃষক পরিবার লালশাক ৫০ গ্রাম, ডাটা শাক ৫০ গ্রাম, কলমি শাক ৫০ গ্রাম, মূলা শাক ১০০ গ্রাম, পুঁইশাক ৫০ গ্রাম, পালংশাক ১০০গ্রাম, শশা হাইব্রীড ৩ গ্রাম, লাউ হাইব্রীড ৫ গ্রাম, মিষ্টিকুমড়া হাইব্রীড ৫ গ্রাম, করলা হাইব্রীড ১০ গ্রাম, মরিচ হাইব্রীড ২ গ্রাম, বরবটি হাইব্রীড ১০ গ্রাম এবং সীম ৫০গ্রাম করে বীজ পাবেন। শ্রীম্রই বীজ বিতরণ করা হবে। পারিবারিক কৃষির আওতায় সবজি পুষ্টি বাগান স্থাপনের লক্ষ্যে ক্ষুদ্র ও প্রান্তিক	মনিটরিং অব্যাহত রাখার জন্য উপজেলা কৃষি কর্মকর্তাকে অনুরোধ জানানো হয়।	উপজেলা কৃষি কর্মকর্তা

		<p>কৃষকদের মাঝে বিনা মূল্যে উপকরণ বিতরণ করা হয়েছে। ২২৪ টি পারিবারিক সবজি পুষ্টি বাগান স্থাপন করা হয়েছে। সবজি বাগান থেকে সবজি উত্তোলন করা হচ্ছে। ১৪২০ হেক্টর জমিতে রোপা আমন ধান রোপনের লক্ষ্যমাত্রা নির্ধারণ করা হয়েছে। বর্তমানে ১২৬০ হেক্টর জমিতে রোপা আমন ধান রোপ করা হয়েছে। মাঠের অবস্থা ভাল।</p> <p>০৭ অক্টোবর/২০২০ হতে ০৬নভেম্বর/২০২০খ্রিঃ পর্যন্ত জাতীয় ইঁদুর নির্ধন অভিযান আরম্ভ হয়েছে। মাস ব্যাপি ইঁদুর নির্ধন অভিযান চলবে। রাসায়নিক সারের মজুদ স্বাভাবিক রয়েছে। বর্তমানে ২৫০ মেঃ টন ইউরিয়া, ৮৭ মেঃ টন টিএসপি, ২১৫ মেঃ টন ডিএপি এবং ৭.০ মেঃ টন এমওপি সার মজুদ রয়েছে। বর্তমানে সারের কোনো সংকট নেই। মনিটরিং অব্যাহত রয়েছে। মনিটরিং অব্যাহত রয়েছে। অফিসের অন্যান্য কার্যক্রম স্বাভাবিক।</p>		
৪	মৎস্য বিভাগ	<p>উপজেলা মৎস্য কর্মকর্তা, দাপ্তরিক কার্যক্রম স্বাভাবিক রয়েছে। মাছের আড়ৎ ও বাজার মনিটরিং অব্যাহত আছে। পিরানহা ও আফ্রিকান মাগুর যাতে বাজারে বিক্রি না হয় এ বিষয়ে জনসচেতনতা সৃষ্টিতে জনপ্রতিনিধিসহ সকলের সহায়তা কামনা করছি। উপজেলা মৎস্য অফিসের মাধ্যমে রাজস্ব অর্থায়নে ৩১৩ কেজি পোনা অবমুক্ত কার্যক্রম সম্পন্ন করা হয়েছে। আগামী ১৪ অক্টোবর হতে ০৪ নভেম্বর ২০২০ খ্রিঃ মোট ২২দিন মা ইলিশ সংরক্ষণ অভিযান পরিচালিত হবে প্রদর্শনী ও বিল নাসরী স্থাপন করা হয়েছে মর্মে তিনি সভাকে অবিহিত করেন।</p>	কার্যক্রমের এধারা অব্যাহত রাখার জন্য অনুরোধ জানানো হয়।	উপজেলা মৎস্য কর্মকর্তা
৫	প্রাণিসম্পদ বিভাগ	<p>উপজেলা প্রাণিসম্পদ কর্মকর্তা জানান যে, কৃত্রিম প্রজনন- ১২১৫ টি</p> <p><u>টিকা প্রদান :</u>  গবাদিপশু- ৭৫১১ টি  হাঁস-মুরগি- ৯৮৯০০ টি</p> <p><u>চিকিৎসা প্রদান :</u>  গবাদিপশুর চিকিৎসা প্রদান- ১৩৩৬ টি  হাঁস-মুরগির চিকিৎসা প্রদান- ২৮৮২৯  পোষা প্রাণির চিকিৎসা প্রদান- ১৬ টি  উঠান বৈঠক- ০৪টি  খামারী প্রশিক্ষণ প্রদান- ৬০জন</p> <p>করোনা কালীন এই মহামারির সময়ে প্রাণিসম্পদ বিভাগ নিরলসভাবে জনসাধারণের প্রাণিজ আমিষের যোগান অব্যাহত রাখতে নিজ দপ্তরের মাধ্যমে প্রাণিসম্পদ বিভাগের যাবতীয় সেবা অব্যাহত রেখেছে। দূর দুরান্ত থেকে আগত খামারীদের যাবতীয় সমস্যা নিরসনে চিকিৎসাসহ পোস্ট মরটেম এন্টিমরটেম টেস্ট, কৃত্রিম প্রজনন সেবার পাশাপাশি নিরাপদ প্রাণিজ আমিষ উৎপাদনে হুস্ট-পুস্টকরণ প্রকল্পের আওতায় ইতিমধ্যে অত্র উপজেলার ৫৮ জন খামারীকে গবাদি পশু হুস্ট-পুস্টকরণ প্রশিক্ষণ প্রদান করা হয়েছে। খামারীদের উৎপাদিত দুধ/ডিম/মাংসের অব্যাহত বিপননে বেসরকারী খামার নাবিল এগ্রো লিমিটেডের মাধ্যমে হোম সার্ভিস চালু করা হয়েছে। করোনা কালীন এই মহা দুর্ঘটনার সময়েও আসন্ন ঈদুল আযহা উপলক্ষে হুস্ট-পুস্টকরণ খামারীদের নিবিড় তত্ত্বাবধানে রাখা হয়েছে যাহাতে অনৈতিক ভাবে মানব দেহের জন্য ক্ষতিকারক স্টেরয়েড/হরমোন ব্যবহৃত না হয়। এছাড়াও দাপ্তরিক কার্যক্রম স্বাভাবিক চলছে মর্মে তিনি সভাকে অবিহিত করেন।</p>	কার্যক্রমের এধারা অব্যাহত রাখার জন্য অনুরোধ জানানো হয়।	উপজেলা প্রাণিসম্পদ কর্মকর্তা

৬	দুর্যোগ ব্যবস্থাপনা বিভাগ	<p><b>(ক) টিআর কর্মসূচি-১ম পর্যায়</b></p> <p>(১) ২০২০-২০২১ অর্থ বছরে গ্রামীণ অবকাঠামো রক্ষণাবেক্ষণ (টিআর)কর্মসূচির আওতায় উপজেলা পরিষদ ভিত্তিক নন-সোলার খাতে ১৮,০৬,৩১৮.৭৮ টাকা বরাদ্দ পাওয়া গিয়াছে এবং ইউনিয়নওয়ারী বিভাজন করে সংশ্লিষ্ট চেয়ারম্যানগণের নিকট প্রেরণ করা হয়েছে।</p> <p>(২) ২০২০-২০২১ অর্থ বছরে গ্রামীণ অবকাঠামো রক্ষণাবেক্ষণ (টিআর) কর্মসূচির আওতায় নির্বাচনী এলাকা ভিত্তিক নন-সোলার খাতে ৪৯,৫৭,৬৬৬.৬৬ টাকা বরাদ্দ পাওয়া গিয়াছে এবং ইউনিয়নওয়ারী বিভাজন করে সংশ্লিষ্ট চেয়ারম্যানগণের নিকট প্রেরণ করা হয়েছে।</p> <p><b>(খ)কাবিথা/কাবিটা কর্মসূচি-১ম পর্যায়</b></p> <p>(১) ২০২০-২০২১ অর্থ বছরে গ্রামীণ অবকাঠামো সংস্কার (কাবিটা) কর্মসূচির আওতায় উপজেলা পরিষদ ভিত্তিক নন-সোলার খাতে ৬৯.৩১০১ মে:টন চালের বরাদ্দ পাওয়া গিয়াছে এবং ইউনিয়নওয়ারী বিভাজন করে সংশ্লিষ্ট চেয়ারম্যানগণের নিকট প্রেরণ করা হয়েছে।</p> <p>(২) ২০২০-২০২১ অর্থ বছরে গ্রামীণ অবকাঠামো সংস্কার (কাবিটা) কর্মসূচির আওতায় নির্বাচনী এলাকা ভিত্তিক নন-সোলার খাতে ১৬০.৫৫৫ মে:টন চালের বরাদ্দ পাওয়া গিয়াছে এবং ইউনিয়নওয়ারী বিভাজন করে সংশ্লিষ্ট চেয়ারম্যানগণের নিকট প্রেরণ করা হয়েছে।</p> <p><b>(গ) সেতু/কালভার্ট কর্মসূচি</b></p> <p>(১) ২০১৮-২০১৯ অর্থ বছরে গৃহীত ১১টি সেতু/কালভার্ট নির্মাণ প্রকল্পের কার্যাদেশপত্র প্রদান করা হয়েছে।</p> <p><b>(ঘ) ইজিপিপি কর্মসূচি-২য়</b></p> <p>(১) ২০২০-২০২১ অর্থ বছরে অতিদরিদ্রের জন্য কর্মসংস্থান কর্মসূচির আওতায় ১ম পর্যায়ে ১৯৯৭জন শ্রমিকের বরাদ্দ পাওয়া গিয়েছে।</p> <p><b>ঙ) বন্যা প্রবণ ও নদী ভাঙন এলাকায় বন্যা আশ্রয়কেন্দ্র নির্মাণ :</b></p> <p>গোলাকান্দাইল ইউনিয়নের মজিবুর রহমান ভূইয়া উচ্চ বিদ্যালয়ে বন্যা আশ্রয়কেন্দ্র নির্মাণ প্রকল্পের কাজ দুর্যোগ ব্যবস্থাপনা অধিদপ্তরের তত্তাবধানে বাস্তবানের লক্ষে মেসার্স আশা কন্সট্রাকশন এর নামে কার্যাদেশপত্র জারী করা হয়েছে। কাজ চলমান।</p>	কার্যক্রমের এধারা অব্যহত রাখার জন্য অনুরোধ জানানো হয়।	উপজেলা প্রকল্প বাস্তবায়ন কর্মকর্তা
৭	পরিবার পরিকল্পনা বিভাগ	উপজেলা পরিবার পরিকল্পনা অফিসার সবাইকে স্বাগত শুভেচ্ছা জানান। করোনা পরিস্থিতি মোকাবেলায় উপজেলা প্রশাসন, রূপগঞ্জ এর সাথে আমরা সম্মিলিত ভাবে কাজ করে যাচ্ছি। আমাদের মাঠ কর্মীরা মাঠে কাজ করছে। দাপ্তরিক অন্যান্য কার্যক্রম স্বাভাবিক ভাবে চলমান রয়েছে।	কার্যক্রমের এধারা অব্যহত রাখা জন্য অনুরোধ জানানো হয়।	উপজেলা পরিবার পরিকল্পনা অফিসার

৮	শিক্ষা	<p>উপজেলা শিক্ষা অফিসার বলেন, যদিও শিক্ষা প্রতিষ্ঠান বন্ধ রয়েছে তথাপি শিক্ষার্থীদের সাথে আমাদের যোগাযোগ রয়েছে। এফএম রেডিও ১০৬ এর মাধ্যমে আমাদের নিয়মিত ক্লাস কার্যক্রম পরিচালনা করা হচ্ছে। মন্ত্রণালয় কর্তৃক আমাদের রূপগঞ্জ উপজেলায় প্রাথমিক বিদ্যালয়ের সীমানা প্রাচীর নির্মাণের বিষয়ে ৫৭টি প্রাথমিক বিদ্যালয়ের মধ্যে ৫১টি প্রাথমিক বিদ্যালয়ের সীমানা প্রাচীর নির্মাণের অনুমোদন পেয়েছি। এজন্য তিনি মন্ত্রী মহোদয়কে আন্তরিক ধন্যবাদ জানান। সরকারি নির্দেশনা মোতাবেক আমরা বিভিন্ন সময়ে বিভিন্ন প্রতিযোগিতা সুষ্ঠু ও সুন্দরভাবে আয়োজন করে যাচ্ছি। শতভাগ সততা স্টোর প্রতিষ্ঠা করা এবং বিদ্যালয়ে কুইজ প্রতিযোগিতা ইত্যাদি বিষয়গুলো নিয়মিতভাবে মনিটরিং করা হয়। মুজিববর্ষ উপলক্ষে বিভিন্ন কর্মসূচি গ্রহণ করেছি এবং তা বাস্তবায়নে কাজ করে যাচ্ছি। দাপ্তরিক অন্যান্য কার্যক্রম স্বাভাবিক ভাবে চলমান রয়েছে।</p>	<p>কার্যক্রমের এধারা অব্যাহত রাখা জন্য অনুরোধ জানানো হয়।</p>	উপজেলা শিক্ষা অফিসার
৯	মাধ্যমিক শিক্ষা	<p>উপজেলা মাধ্যমিক শিক্ষা কর্মকর্তা বলেন, যদিও শিক্ষা প্রতিষ্ঠান বন্ধ রয়েছে তথাপি শিক্ষার্থীদের সাথে আমাদের যোগাযোগ অব্যাহত আছে। শিক্ষা প্রতিষ্ঠান বন্ধ থাকলেও প্রতিটি শিক্ষা প্রতিষ্ঠান এর অফিস কক্ষ খোলা থাকবে এবং শিক্ষা প্রতিষ্ঠান পরিষ্কার পরিচ্ছন্নতা রাখার বিষয়ে নির্দেশনা দেয়া হয়েছে। ইতোমধ্যে শিক্ষা মন্ত্রণালয় কর্তৃক জেএসসি পরীক্ষা বন্ধ করা হয়েছে। সরকারি নির্দেশনা মোতাবেক সুষ্ঠু ও সুন্দরভাবে বিভিন্ন প্রতিযোগিতা আয়োজন করা হচ্ছে। আমরা বিভিন্ন শিক্ষা প্রতিষ্ঠানে অনলাইন ক্লাসের ব্যবস্থা করেছি। সকল শিক্ষা প্রতিষ্ঠানে শতভাগ সততা স্টোর স্থাপনে নির্দেশনা প্রদান করা হয়েছে। আমরা সকল শিক্ষা প্রতিষ্ঠানে বঙ্গবন্ধু মুক্তিযুদ্ধ কর্ণার স্থাপন করবো। সকল শিক্ষা প্রতিষ্ঠান অনলাইনের মাধ্যমে বইয়ের চাহিদা জমা দিচ্ছে। সরকারের নির্দেশনা মোতাবেক আমরা নোট বই ও গাইড বইকে নিষিদ্ধ করেছি। মুজিববর্ষ উপলক্ষে আমরা বিভিন্ন কর্মসূচি গ্রহণ করেছি এবং তা বাস্তবায়নে কাজ করে যাচ্ছি। দপ্তরের অন্যান্য কার্যক্রম স্বাভাবিক ভাবে চলমান।</p>	<p>কার্যক্রমের এধারা অব্যাহত রাখা জন্য অনুরোধ জানানো হয়।</p>	উপজেলা মাধ্যমিক শিক্ষা অফিসার
১০	সমাজসেবা অধিদপ্তর	<p>উপজেলা সমাজসেবা কর্মকর্তা বলেন, উপজেলা সমাজসেবা অফিসার বলেন, সামাজিক নিরাপত্তা কর্মসূচির আওতায় সকল ভাতার ২০১৯-২০ অর্থ বছরের প্রাপ্ত বরাদ্দের আলোকে সকল ইউনিয়নের ভাতা বই বিতরণ সম্পন্ন করা হয়েছে। মৃত/ নিরুদ্দেশ ভাতাভোগীদেরকে প্রতিস্থাপন করার জন্য অগ্রাধিকার তালিকা প্রেরণের জন্য সকল ইউনিয়নের চেয়ারম্যানদেরকে পত্র দেওয়া হয়েছে। জিটুপি পদ্ধতিতে ইএফটির মাধ্যমে ভাতার অর্থ বিতরণের লক্ষ্যে ভাতাভোগীদের এমআইএস এ ডাটা এন্ট্রির কাজ ৬০% সম্পন্ন হয়েছে। ডিসেম্বর ২০২০ খ্রি. এর মধ্যে ডাটা এন্ট্রি শতভাগ সম্পন্ন করতে হবে। নীতিমালা অনুযায়ী এনআইডি দিয়ে ডাটা এন্ট্রি করতে হচ্ছে। এনআইডির জন্ম তারিখ অনুযায়ী কিছু ভাতাভোগীর বয়স কম থাকায় তাদের এমআইএস করা যাচ্ছেনা। ফলে স্বয়ংক্রিয়ভাবে তাদের ভাতা বন্ধ হয়ে যাবে। ফলে ভাতার কোটা শতভাগ ঠিক রাখতে হলে তাদের ভাতা প্রতিস্থাপন করতে হবে। কাজেই এ বিষয়ে সংশ্লিষ্ট চেয়ারম্যানদের দৃষ্টি আকর্ষণ পূর্বক প্রেরণকৃত পত্রের আলোকে অনতিবিলম্বে কার্যকরি ব্যবস্থা গ্রহণের জন্য অনুরোধ করা হলো। সমাজসেবা অফিসার আরও উল্লেখ করেন যে, যে ইউনিটসমূহে ইতোপূর্বে প্রতিবন্ধিতা জরিপ অসম্পন্ন ছিলো সে ইউনিটে সমূহে জরিপ কাজ করার লক্ষ্যে ব্যবস্থা গ্রহণ করা হয়েছে। তারাবো পৌরসভায় জরিপের বিষয়ে সিডিউল</p>	<p>কার্যক্রমের এধারা অব্যাহত রাখা জন্য অনুরোধ জানানো হয়।</p>	উপজেলা সমাজসেবা অফিসার

		তৈরি করা হয়েছে। এক মাসের মধ্যেই তা সম্পন্ন করা হবে। তাছাড়া, দাপ্তরিক অন্যান্য কার্যক্রম স্বাভাবিক ভাবে চলছে বলে তিনি জানান। দাপ্তরিক অন্যান্য কার্যক্রম স্বাভাবিক ভাবে চলছে।		
১১	যুব উন্নয়ন অধিদপ্তর	উপজেলা যুব উন্নয়ন অফিসার জানান, ২০১৯-২০ অর্থ বছরে ঋণ বিতরণের লক্ষ্যমাত্রা ছিল ৪৭,৬০,০০০/- টাকা, বিতরণ হয়েছে ৪৮,৭০,০০০/- টাকা। প্রশিক্ষণ প্রদান করা হয়েছে ৫৫০ জন কে (রূপগঞ্জ উপজেলায়)। ২০২০-২১ অর্থ বছরে লক্ষ্যমাত্রা ৬৫,৬০,০০০/- ও প্রশিক্ষণ লক্ষ্যমাত্রা ৪০০ জনকে। লক্ষ্যমাত্রা অর্জনে পূর্বের মত সচেষ্ট থাকবে। ইতোমধ্যে উপজেলা যুব প্রশিক্ষণ ও বিনোদন কেন্দ্র স্থাপনের নিমিত্ত ৫০ (পঞ্চাশ)শতক জমির প্রস্তাবের প্রতিবেদন প্রেরণ করা হয়েছে। দাপ্তরিক অন্যান্য কার্যক্রম স্বাভাবিক চলছে মর্মে তিনি সভাকে অভিহিত করেন।	কার্যক্রমের পূর্বের ধারা অব্যাহত রাখার জন্য অনুরোধ জানানো হয়।	উপজেলা যুব উন্নয়ন অফিসার
১২	মহিলা বিষয়ক	মহিলা বিষয়ক কর্মকর্তা জানান যে, এ কার্যালয়ের আইজিএ প্রকল্পের বিডিটিফিকেশন ও ব্লক বাটিক প্রশিক্ষণ এর যাচাই বাছাই কার্যক্রম সম্পন্ন হয়েছে। অক্টোবর ২০২০ হতে ডিসেম্বর/২০২০ পর্যন্ত প্রশিক্ষণ কার্যক্রম চলমান থাকবে। অন্যান্য কার্যক্রম স্বাভাবিক ভাবে চলছে।	কার্যক্রমের পূর্বের ধারা অব্যাহত রাখার জন্য অনুরোধ জানানো হয়।	মহিলা বিষয়ক কর্মকর্তা
১৩	বিআরডিবি	উপজেলা পল্লী উন্নয়ন কর্মকর্তা তার দাপ্তরিক কার্যক্রম সুষ্ঠুভাবে চলছে মর্মে সভাকে জানান।	কার্যক্রমের পূর্বের ধারা অব্যাহত রাখার জন্য অনুরোধ জানানো হয়।	উপজেলা পল্লী উন্নয়ন কর্মকর্তা
১৪	জনস্বাস্থ্য প্রকৌশল	উপজেলা জনস্বাস্থ্য সহকারী প্রকৌশল অধিদপ্তর দাপ্তরিক কার্যক্রম স্বাভাবিক চলছে মর্মে তিনি সভাকে অভিহিত করেন।	কার্যক্রমের পূর্বের ধারা অব্যাহত রাখার জন্য অনুরোধ জানানো হয়।	জনস্বাস্থ্য প্রকৌশলী
১৫	সমবায়	উপজেলা সমবায় অফিসার বলেন, বার্ষিক অডিট, ভ্রাম্যমান প্রশিক্ষণসহ অফিসের অন্যান্য কার্যক্রম ধারাবাহিকভাবে চলছে। নভেম্বর/২০২০ মাসের প্রথম শনিবার ৪৯ তম জাতীয় সমবায় দিবস ২০২০ উদযাপন করা হবে।	কার্যক্রমের এ ধারা অব্যাহত রাখার জন্য অনুরোধ জানানো হয়।	উপজেলা সমবায় কর্মকর্তা
১৬	খাদ্য নিয়ন্ত্রক অধিদপ্তর	উপজেলা খাদ্য নিয়ন্ত্রক কর্মকর্তা তার খাদ্য বিভাগের দাপ্তরিক কার্যক্রম সুষ্ঠুভাবে চলছে মর্মে সভাকে জানান।	কার্যক্রমের পূর্বের ধারা অব্যাহত রাখার জন্য অনুরোধ জানানো হয়।	উপজেলা খাদ্য নিয়ন্ত্রক
১৭	বন বিভাগ	উপজেলা বন কর্মকর্তা বলেন, অবৈধ করাতকল উচ্ছেদের জন্য আলোচনা করা হয়েছে। উপজেলা পরিষদের চেয়ারম্যান মহোদয় করাতকল মালিকগণকে চূড়ান্ত নোটিশ প্রদানের নির্দেশনা প্রদান করেছেন। এ বিষয়ে প্রয়োজনীয় পদক্ষেপ নেয়া হবে। বন বিভাগের দাপ্তরিক কার্যক্রম সুষ্ঠুভাবে চলছে মর্মে সভাকে জানান।	কার্যক্রমের এ ধারা অব্যাহত রাখার জন্য অনুরোধ জানানো হয়।	উপজেলা বন কর্মকর্তা
১৮	সমন্বয়কারী/ব্যবস্থাপক পল্লী সঞ্চয় ব্যাংক	সমন্বয়কারী/ব্যবস্থাপক পল্লী সঞ্চয় ব্যাংক দাপ্তরিক কার্যক্রম স্বাভাবিকভাবে চলছে মর্মে তিনি সভাকে অভিহিত করেন।	কার্যক্রমের পূর্বের ধারা অব্যাহত রাখার জন্য অনুরোধ জানানো হয়।	ব্যবস্থাপক, পল্লী সঞ্চয় ব্যাংক
১৯	পরিসংখ্যান	বাংলাদেশ পরিসংখ্যান ব্যুরো এর অধীন জনশুমারি ও গৃহ-গণনা ২০২১ এর জন্য তালিকারী/গণনাকারী ও সুপার ভাইজার নিয়োগের কাজ সম্পন্ন হয়েছে। শুমারির প্রস্তুতির কার্যক্রম চলমান রয়েছে। এছাড়া উপজেলা পরিসংখ্যান অফিসের নিয়মিত কার্যক্রম স্বাভাবিক রয়েছে।	কার্যক্রমের এ ধারা অব্যাহত রাখার জন্য অনুরোধ জানানো হয়।	পরিসংখ্যান কর্মকর্তা
২০	পল্লী দারিদ্র্য বিমোচন	উপজেলা পল্লী দারিদ্র্য বিমোচন কর্মকর্তা বলেন তার দাপ্তরিক কার্যক্রম স্বাভাবিক চলছে।	কার্যক্রমের পূর্বের ধারা অব্যাহত রাখার জন্য অনুরোধ জানানো হয়।	পল্লী দারিদ্র্য বিমোচন কর্মকর্তা

২১	পজীপ	উপজেলা প্রকল্প কর্মকর্তা বলেন, দাপ্তরিক সকল কার্যক্রম স্বাভাবিক চলছে মর্মে জানান।	কার্যক্রমের পূর্বের ধারা অব্যাহত রাখার জন্য অনুরোধ জানানো হয়।	উপজেলা প্রকল্প কর্মকর্তা
২২	পল্লী বিদ্যুৎ	ডিজিএম নারায়ণগঞ্জ পল্লী বিদ্যুৎ সমিতি-২ জানান যে, জাতীয় পোগ্রামের সাথে সংগতি রেখে পল্লী বিদ্যুৎ সমিতি কর্তৃক যথাযোগ্য মর্যাদার সহিত মুজিব বর্ষ উপলক্ষে বর্ষব্যাপী কর্মসূচি গ্রহণ করা হয়েছে এবং তা ধাপে ধাপে বাস্তবায়ন করা হচ্ছে। রূপগঞ্জ উপজেলাকে ইতোমধ্যে মাননীয় প্রধানমন্ত্রী শেখ হাসিনা ভিডিও কনফারেন্সের মাধ্যমে শতভাগ বিদ্যুতায়ন ঘোষণা করা হয়েছে। নতুন নতুন যে সকল ঘরবাড়ী নির্মিত হচ্ছে সেগুলোতে অতি অল্প সময়ের মধ্যে বিদ্যুৎ সংযোগ প্রদান করা হচ্ছে এবং ভবিষ্যতেও এই কার্যক্রম অব্যাহত থাকবে। মুজিব বর্ষ হতে নিরবচ্ছিন্ন বিদ্যুৎ সরবরাহের লক্ষ্যে পরিকল্পনা গ্রহণ করা হয়েছে। পরিকল্পনা অনুযায়ী বৈদ্যুতিক লাইনের যেসকল সমস্যা রয়েছে তা দ্রুত মেরামত কাজ অব্যাহত রয়েছে। ডিজিএম পল্লীবিদ্যুৎ বলেন, বিদ্যুৎ জাতীয় সম্পদ। “বিদ্যুৎ অপচয় রোধ করি, সোনার বাংলাদেশ গড়ি” এই প্রতিপাদ্যকে সামনে রেখে সবাইকে বিদ্যুৎ ব্যবহারে সশ্রয়ি হওয়ার অনুরোধ জানান। তাছাড়া দাপ্তরিক কার্যক্রম স্বাভাবিক রয়েছে মর্মে তিনি সভাকে অবহিত করেন।	কার্যক্রমের এধারা অব্যাহত রাখার জন্য অনুরোধ জানানো হয়।	ডিজিএম পল্লী বিদ্যুৎ
২৩	উপজেলা পরিচালন ও উন্নয়ন প্রকল্প (ইউজিডিপি)	উপজেলা ডেভেলপমেন্ট ফ্যাসিলিটিটর (ইউডিএফ) জনাব মোঃ আশরাফুল আলম সভাকে জানান, ইউজিডিপি'র (৪র্থপর্যায়) ২০১৯-২০ অর্থ বছরে বাস্তবায়নের জন্য ৪০ (চল্লিশ) লক্ষ টাকায় মোট একটি অবকাঠামো উন্নয়ন প্রকল্প হলো “রূপগঞ্জ উপজেলা স্বাস্থ্য কমপ্লেক্সে মান সম্মত চিকিৎসা সেবা নিশ্চিত করার জন্য আলট্রাসোনোগ্রাম মেশিন, রোগীর বেড, অক্সিজেন কনসেন্ট্রেটর, অক্সিজেন সিলিন্ডার, এসি,ইলেকট্রিক লাইট এনালাইজার ও বায়ু কেমেস্ট্রী এনালাইজার সরবরাহকরণ। অন্যদিকে সক্ষমতা উন্নয়ন প্রকল্পের জন্য ১০ (দশ) লক্ষ টাকার ৬ টি প্রকল্পের অন্তর্ভুক্ত বিভাগসমূহ গুলো হলো : স্বাস্থ্য, কৃষি, প্রাথমিক শিক্ষা, মাধ্যমিক শিক্ষা, মৎস্য ও তথ্য প্রযুক্তি বিভাগ। উভয় প্রকল্পগুলো অনুমোদনের জন্য প্রকল্পের প্রধান কার্যালয়ে প্রেরণ করার জন্য প্রয়োজনীয় ডকুমেন্টস তৈরীর কাজ অব্যাহত রয়েছে।	উপজেলা পরিচালন ও উন্নয়ন প্রকল্পের আওতায় সকল প্রকল্প সমূহ অনুমোদনের প্রয়োজনীয় তথ্যাবলী দিয়ে সহযোগিতার করার জন্য সংশ্লিষ্ট বিভাগের সকলকে অনুরোধ করা হয়।	উপজেলা পরিষদ, রূপগঞ্জ
২৪	পানি উন্নয়ন বোর্ড	অনুপস্থিত		
২৫	শিক্ষা প্রকৌশল অধিদপ্তর	সার্বিক কাজ স্বাভাবিকভাবে চলছে।	কার্যক্রমের এধারা অব্যাহত রাখার জন্য অনুরোধ জানানো হয়।	শিক্ষা প্রকৌশল অধিদপ্তর, নারায়ণগঞ্জ
২৬	বিবিধ-০১		প্রতিবন্ধী যাচাই বাছাই জরিপ কার্যক্রমে সংশ্লিষ্ট ইউনিয়ন পরিষদ চেয়ারম্যান/মেয়র প্রয়োজনীয় ব্যবস্থা গ্রহণ করবেন মর্মে সর্বসম্মতিক্রমে সিদ্ধান্ত গৃহীত হয়।	ইউনিয়ন পরিষদ চেয়ারম্যান ও পৌরসভা মেয়র

কায়েতপাড়া ইউনিয়ন প্রতিনিধি বলেন, জেলা প্রশাসক মহোদয় কায়েতপাড়া কমিউনিটি ক্লিনিকটি পরিদর্শন করেন। কায়েতপাড়া কমিউনিটি ক্লিনিকের জমি নিয়ে যে সমস্যা ছিল আশা করি তা শীঘ্রই সমাধান হবে। বর্তমান সময়ে বাংলাদেশে করোনা ভাইরাসের আতংক চলমান রয়েছে। আমাদের রূপগঞ্জ উপজেলাও তার বাহিরে নয়। যারা করোনা ভাইরাস মোকাবেলা কাজ করে যাচ্ছে তাদের সবাইকে তিনি আন্তরিক ধন্যবাদ জানান। তিনি আরো জানান, করোনা পরিস্থিতি থাকা অবস্থায়ও যার যার অবস্থান থেকে আমাদের সকলকে রূপগঞ্জ উপজেলার উন্নয়নে কাজ করে যেতে হবে।

চেয়ারম্যান, রূপগঞ্জ ইউনিয়ন পরিষদ বলেন, রূপগঞ্জ থেকে শিমুলিয়া বাজার পর্যন্ত ৩/৪টি কালভার্ট বা ছোট ব্রীজ রয়েছে। এগুলো সংকীর্ণ হওয়ায় এখানে সব সময় যানঘট লেগে থাকে। কালভার্ট বা ছোট ব্রীজ গুলো প্রশস্ত করলে যানঘটের সমস্যা দূর হবে। রূপগঞ্জ থেকে দাউদপুর পর্যন্ত রাস্তা প্রশস্ত করা প্রয়োজন। কাঞ্চন ব্রীজ হতে ফৌজরবাড়ী পর্যন্ত রাস্তাটি অত্যন্ত জনবহুল একটি রাস্তা। গভীর রাত্রে পাথর বোঝাই করা ২০/২৫ টন ওজনের ট্রাক চলাচলের কারণে রাস্তাটি বর্তমানে চলাচলের অযোগ্য হয়ে পড়েছে। এ বিষয়ে সভাপতির দৃষ্টি আকর্ষণ করা হয়।

চেয়ারম্যান, ভুলতা ইউনিয়ন পরিষদ, উপস্থিত সকলকে শুভেচ্ছা জানান। তিনি বলেন, ওয়াটার পটের/ক্যামিক্যাল এ যে রাস্তা তা যদি মেরামত করা হয় তাহলে ভুলতার জ্যাম একেটাই কমে যাবে। আমার ভুলতা ইউনিয়নের কয়েকটি রাস্তার টেন্ডার হওয়ার কথা ছিল। এ বিষয়ে সভাপতি মহোদয়ের দৃষ্টি আকর্ষণ করা হয়। তিনি আরো বলেন, বিশ্বব্যাপী করোনা ভাইরাস মহামারী আকারে ছড়িয়ে পড়ায় দুঃখ প্রকাশ করেন। এ ভাইরাসে আক্রান্ত হয়ে লক্ষ লক্ষ লোক মারা যাচ্ছে। আমাদের রূপগঞ্জ এর অবস্থাও আগের চেয়ে ভালো। দিন রাত পরিশ্রম করে যারা করোনা ভাইরাস প্রতিরোধে কাজ করে যাচ্ছেন তাদের প্রতি তিনি কৃতজ্ঞতা প্রকাশ করেন।

চেয়ারম্যান, মুড়াপাড়া ইউনিয়ন পরিষদ বলেন, উপজেলা প্রশাসন হতে গ্রাম আদালতের মাধ্যমে নিষ্পত্তির জন্য নারী নির্যাতনসহ বিভিন্ন অভিযোগের পত্র পাই। এ সকল অভিযোগ নিষ্পত্তির ক্ষেত্রে কিছু বিধি বিধান থাকায় আমাদের পক্ষে নিষ্পত্তি করা সম্ভব হয় না, এ বিষয়ে তিনি উপজেলা নির্বাহী অফিসারের দৃষ্টি আকর্ষণ করেন। তিনি বিশ্বব্যাপী করোনা ভাইরাস মহামারী আকারে ছড়িয়ে পড়ায় দুঃখ প্রকাশ করেন। এ ভাইরাসে আক্রান্ত হয়ে ইতোমধ্যে বিশ্বে দশ লাখ মানুষ মারা গেছে। আমাদের দেশেও এ ভাইরাসের মৃত্যুর হার বৃদ্ধি পাচ্ছে। তিনি সকলকে সামাজিক দূরত্ব বজায় রাখা এবং স্বাস্থ্যবিধি গাইড লাইন অনুসরণ করার জন্য অনুরোধ করেন।

চেয়ারম্যান, ভোলাব ইউনিয়ন পরিষদ, সবাইকে স্বাগত শুভেচ্ছা জানান। তিনি বলেন, করাটিয়া হতে আতলাপুর বাজার পর্যন্ত রাস্তার টেন্ডার অনেক আগেই হয়েছে কিন্তু এখনো কাজ শুরু হচ্ছে না। এ বিষয়ে দৃষ্টি আকর্ষণ করছি। এছাড়া আমার ইউনিয়নের বেশ কিছু রাস্তা বালু দিয়ে ভরাট/মেরামত করলেও ৪০-৫০টন ওজনের আর.এফ.এল এর ট্রাক/গাড়ি চলাচলের কারণে এসকল রাস্তা চলাচলের অনুপযোগী হয়ে যায়। এ বিষয়ে তিনি সকলের দৃষ্টি আকর্ষণ করেন এবং প্রয়োজনীয় ব্যবস্থা গ্রহণ করার জন্য অনুরোধ জানান।


উপজেলা মহিলা ভাইস চেয়ারম্যান, জনাব সৈয়দা ফেরদৌসী আলম নীলা উপস্থিত সকলকে স্বাগত শুভেচ্ছা জানান তিনি বস্ত্র ও পাঠ মন্ত্রণালয়ের মাননীয় মন্ত্রী জনাব গোলম দস্তগীর গাজী, বীর প্রতীক এর সুস্বাস্থ্য ও দীর্ঘায়ু কামনা করেন এবং ধন্যবাদ জানান; এই সংকটময় মুহূর্তে অসুস্থ্য থেকেও সার্বক্ষণিক আমাদের পাশে থাকার জন্য। তিনি আরো বলেন বর্তমান সময়ে করোনা ভাইরাস পরিস্থিতি নিয়ন্ত্রণে আনা আমাদের সবচেয়ে বড় চ্যালেঞ্জ। সর্বোচ্চ গুরুত্ব দিয়ে এ ভাইরাস নিয়ন্ত্রণে সম্মিলিতভাবে কাজ করতে হবে। এছাড়াও তিনি জানান, মুজিববর্ষ উপলক্ষে গৃহীত বিভিন্ন কর্মসূচি বাস্তবায়নে আমরা কাজ করে যাচ্ছি।

জনাব গোলাম দস্তগীর গাজী (বীর প্রতীক) এমপি, মাননীয় মন্ত্রী, বস্ত্র ও পাট মন্ত্রণালয়, গণপ্রজাতন্ত্রী বাংলাদেশ সরকার, উপস্থিত সকলকে শুভেচ্ছা জানান। রূপগঞ্জের উন্নয়নের ধারা অব্যাহত রাখার জন্য উপস্থিত সকলকে অনুরোধ জানান। ২০ অক্টোবর ২০২০ তারিখে এ উপজেলার দাউদপুর ইউনিয়ন পরিষদের নির্বাচন অনুষ্ঠিত হবে। একটি সুষ্ঠু ও সুন্দর এবং নিরপেক্ষ নির্বাচনের জন্য তিনি সকলের সহযোগিতা কামনা করেন। আমরা দাউদপুর ইউনিয়নবাসীকে সুষ্ঠু ও সুন্দর এবং নিরপেক্ষ নির্বাচন উপহার দেব। এছাড়া ২২ অক্টোবর ২০২০ তারিখ হতে ২৬ অক্টোবর ২০২০ তারিখ পর্যন্ত ০৫ (পাঁচ) দিনব্যাপী শারদীয় দুর্গাপূজা অনুষ্ঠিত হবে। শারদীয় দুর্গাপূজা ও নির্বাচন উপলক্ষে আইন শৃংখলা বাহিনীকে আরো সতর্ক থাকার জন্য তিনি অনুরোধ করেন। তিনি আরো বলেন, বর্তমান সময়ে আমাদের সবচেয়ে বড় চ্যালেঞ্জ কোভিড-১৯ ভাইরাস মোকাবেলা করা। প্রতিদিনই এ ভাইরাসে আক্রান্তের সংখ্যা বৃদ্ধি পাচ্ছে। আমাদেরকে আরো সচেতন হতে হবে। এ সকল কর্মসূচি বাস্তবায়নে যেন শতভাগ স্বাস্থ্যবিধি অনুসরণ করা হয় এ বিষয়ে সতর্ক থাকতে হবে। জাতির পিতা বঙ্গবন্ধু শেখ মুজিবুর রহমান এর জন্মশত বার্ষিকী উপলক্ষ্যে গৃহীত কার্যক্রম ধাপে ধাপে বাস্তবায়ন করা হচ্ছে। পল্লী বিদ্যুৎ মাননীয় প্রধানমন্ত্রীর এক নম্বর টার্গেট। রূপগঞ্জ উপজেলায় শতভাগ বিদ্যুৎ সরবরাহ করা হয়েছে। তিনি সকলের সুস্বাস্থ্য ও দীর্ঘায়ু কামনা করেন। রূপগঞ্জ উপজেলাকে একটি মডেল উপজেলা হিসেবে গড়ে তোলা হবে মর্মে সবার সহযোগিতা কামনা করেন।

উপজেলা নির্বাহী অফিসার, হাজার বছরের শ্রেষ্ঠ বাঙ্গালী জাতির পিতা বঙ্গবন্ধু শেখ মুজিবুর রহমানসহ যাদের রক্তের বিনিময়ে আমাদের স্বাধীনতা অর্জন হয়েছে সেই বীর মুক্তিযোদ্ধাদের প্রতি বিনশ্র শ্রদ্ধা জ্ঞাপন করেন। তিনি বঙ্গ ও পাঠ মন্ত্রণালয়ের মাননীয় মন্ত্রী জনাব গোলাম দস্তগীর গাজী, বীর প্রতিক এর সুস্বাস্থ্য ও দীর্ঘায়ু কামনা করেন। তিনি জুম কনফারেন্সে উপস্থিত সকলকে শুভেচ্ছা জানান। ইতোমধ্যে এ উপজেলার দাউদপুর ইউনিয়নের নির্বাচনের তফসিল ঘোষণা করা হয়েছে। ২০ অক্টোবর ২০২০ তারিখে এ উপজেলার দাউদপুর ইউনিয়ন পরিষদের নির্বাচন অনুষ্ঠিত হবে। তিনি সুষ্ঠু ও সুন্দর এবং নিরপেক্ষ নির্বাচনের জন্য সকলের সহযোগিতা কামনা করেন। নির্বাচনকে কেন্দ্র করে কোনো প্রকার অপ্রীতিকর বা বিশৃঙ্খলা ঘটনা যেন না ঘটে। দাউদপুর ইউনিয়নবাসীকে একটি সুষ্ঠু নির্বাচন উপহার দিতে আমার বন্ধ পরিকর। এছাড়া ২২ অক্টোবর ২০২০ তারিখ হতে ২৬ অক্টোবর ২০২০ তারিখ পর্যন্ত ০৫ (পাঁচ) দিনব্যাপী শারদীয় দুর্গাপূজা অনুষ্ঠিত হবে। শারদীয় দুর্গাপূজা ও নির্বাচন উপলক্ষে আইন শৃংখলা বাহিনীকে সর্বোচ্চ সতর্ক থাকতে হবে মর্মে অফিসার ইনচার্জ, রূপগঞ্জ থানা এর দৃষ্টি আকর্ষণ করা হয়। তিনি বিশ্বব্যাপী করোনো ভাইরাস মহামারী আকারে ছড়িয়ে পড়ায় দুঃখ প্রকাশ করেন। এখনো জনমনে করোনো ভাইরাসের আতঙ্ক রয়েছে। আমাদের দেশেও এ ভাইরাসে আক্রান্তের সংখ্যা বেড়েই চলছে। অদ্যাবধি রূপগঞ্জ উপজেলায় করোনায় আক্রান্ত মোট ১৩৭০ জন, এর মধ্যে সুস্থ হয়েছে ১৩২১ জন, মোট মৃত্যু ১২ জন। সর্বোচ্চ সতর্কতাই এ ভাইরাস মুক্তির একমাত্র পথ। তিনি আরো জানান, মুজিববর্ষ উপলক্ষে গৃহীত কর্মসূচি বাস্তবায়নে আমরা কাজ করে যাচ্ছি এবং মুজিব বর্ষ উপলক্ষে প্রত্যেক দপ্তরের গৃহীত কর্মসূচি বাস্তবায়ন করার জন্য তিনি সকলের দৃষ্টি আকর্ষণ করেন। এ উপজেলার সকল শিক্ষা প্রতিষ্ঠানে বাধ্যতামূলকভাবে সভাপতি ও ম্যানিজিং কমিটির সমন্বয়ে সততা স্টোর প্রতিষ্ঠা করতে হবে। রূপগঞ্জ উপজেলার বিভিন্ন শিক্ষা প্রতিষ্ঠান পরিদর্শন পূর্বক ইভটিজিং ও মাদকদ্রব্য রোধের বিষয়ে শিক্ষকদের পরামর্শ প্রদান করা হয়েছে। মাদকের বিষয়ে কোন প্রকার ছাড় দেয়া হবে না। তিনি আরো বলেন, রূপগঞ্জের কৃষি জমিতে রাতের অন্ধকারে বালু ভরাট করা হচ্ছে। এ বিষয়ে সকলের সতর্ক থাকতে হবে। কৃষি জমি কোনো ভাবেই নষ্ট হতে দেয়া যাবে না। প্রতিবন্ধী ভাতা বরাদ্দের পরিমাণ বৃদ্ধির ব্যবস্থা করায় মাননীয় মন্ত্রী মহোদয়কে ধন্যবাদ জানান। গভীর নলকূপ স্থাপনের বিষয়ে সংশ্লিষ্ট ইউপি চেয়ারম্যান কর্তৃক প্রত্যয়ন গ্রহণ করতে হবে। জবাবদিহিতা ও স্বচ্ছতার স্বার্থে সরকারি যে কোন বরাদ্দ বিষয়ে জনপ্রতিনিধিদের অবহিত করতে হবে। ১০ টাকা কেজি দরের চাল সুষ্ঠুভাবে বন্টন করা এবং প্রকৃত ভিক্ষুকদের তালিকা দেয়ার জন্য সকল ইউনিয়ন পরিষদ চেয়ারম্যানদের অনুরোধ জানান। এছাড়াও প্রতিমাসের ০১ তারিখের মধ্যে স্ব স্ব দপ্তরের সভার কার্যক্রম উপজেলা নির্বাহী অফিসার বরাবরে প্রেরণের জন্য সকল অফিসারকে অনুরোধ জানান।

সভাপতি মহোদয় উপজেলার উন্নয়নমূলক কর্মকান্ড সম্পর্কে দিক নির্দেশনামূলক আলোচনা করায় সকলকে ধন্যবাদ জ্ঞাপন করেন এবং উপস্থিত সদস্যগণকে রূপগঞ্জ উপজেলার উন্নয়নের ধারাকে অব্যাহত রাখার অনুরোধ জানান। তিনি বঙ্গ ও পাঠ মন্ত্রণালয়ের মাননীয় মন্ত্রী জনাব গোলাম দস্তগীর গাজী, বীর প্রতিক এর সুস্বাস্থ্য ও দীর্ঘায়ু কামনা করেন। তিনি জুম কনফারেন্সে উপস্থিত সকলকে শুভেচ্ছা জানান। ২০ অক্টোবর ২০২০ তারিখে এ উপজেলার দাউদপুর ইউনিয়ন পরিষদের নির্বাচন অনুষ্ঠিত হবে। তিনি সুষ্ঠু ও সুন্দর এবং নিরপেক্ষ নির্বাচনের জন্য সকলের সহযোগিতা কামনা করেন। নির্বাচনকে কেন্দ্র করে বা নির্বাচনকে বিনষ্ট করার জন্য কুচক্রীমহল যেন কোনো প্রকার অপ্রীতিকর বা বিশৃঙ্খলা ঘটনা ঘটাতে না পারে। এছাড়া ২২ অক্টোবর ২০২০ তারিখ হতে ২৬ অক্টোবর ২০২০ তারিখ পর্যন্ত ০৫ (পাঁচ) দিনব্যাপী শারদীয় দুর্গাপূজা অনুষ্ঠিত হবে। শারদীয় দুর্গাপূজা ও নির্বাচন উপলক্ষে আইন শৃংখলা বাহিনীকে সর্বোচ্চ সতর্ক থাকতে হবে মর্মে অফিসার ইনচার্জ, রূপগঞ্জ থানা এর দৃষ্টি আকর্ষণ করা হয়। বর্তমান সময়ে আলোচিত করোনো ভাইরাসের আতঙ্কে জনমনে ভয়ভীতির সৃষ্টি হচ্ছে। এ ভাইরাসে আক্রান্তের সংখ্যা বেড়েই চলছে। করোনো ভাইরাস প্রতিরোধে তিনি সকলকে শতভাগ স্বাস্থ্যবিধি মেনে চলার জন্য অনুরোধ জানান। আমাদের উপজেলার ভোলাব, মুড়াপাড়া, রূপসীর রাস্তাগুলো চলাচলের অনুপযোগী; যেসকল ঠিকাদাররা রাস্তার কাজগুলো পেয়েছেন তারা যেন দ্রুত কাজ শুরু করে এ বিষয়ে তিনি উপজেলা প্রকৌশলীর দৃষ্টি আকর্ষণ করেন। কসাইখানা এবং ডাইগোনোস্টিক সেন্টার এর ট্রেড লাইসেন্সসহ অন্যান্য লাইসেন্স আছে কিনা এ বিষয়ে মোবাইল কোর্ট পরিচালনার জন্য উপজেলা নির্বাহী অফিসারকে অনুরোধ জানান। তিনি তিনি আরো জানান যে, এ উপজেলার প্রত্যেকটি ডিপার্টমেন্ট মুজিববর্ষকে সামনে রেখে বিভিন্ন কর্মসূচি গ্রহণ করেছে; আমরা তা বাস্তবায়নে কাজ করে যাচ্ছি। মুজিববর্ষ উপলক্ষে রূপগঞ্জ উপজেলার সকল শিক্ষা প্রতিষ্ঠানে সততার পরিচর্যার জন্য শতভাগ সততা স্টোর প্রতিষ্ঠা নিশ্চিত করতে হবে। সকল শিক্ষা প্রতিষ্ঠানে শিক্ষার্থীদের ইউনিফর্ম পরিধান নিশ্চিত করতে হবে। মুজিববর্ষ উপলক্ষে আমরা প্রত্যেক শিক্ষা প্রতিষ্ঠানে মুক্তিযুদ্ধ কর্ণার স্থাপন করবো। রূপগঞ্জের কৃষি জমিতে রাতের অন্ধকারে ভূমি দস্যু কর্তৃক বালু ভরাট করা হচ্ছে। এ উপজেলায় যেটুকু কৃষি জমি রয়েছে তা যেন ঠিক থাকে। কৃষি জমিতে রাতের অন্ধকারে বালু ফেললে আমাদেরকে জানান আমরা প্রয়োজনীয় ব্যবস্থা গ্রহণ করবো। রূপগঞ্জ উপজেলায় কোন সমস্যার উদ্ভব হলে সম্মিলিত প্রয়াসে সমাধান করার প্রতি জোর আরোপ করা হয়।

সভায় আর কোন আলোচনা না থাকায় সকলকে ধন্যবাদ জানিয়ে সভার সমাপ্তি ঘোষণা করা হয়।

  
 (মোঃ শাহজাহান ভূঁইয়া)  
 চেয়ারম্যান  
 উপজেলা পরিষদ  
 রূপগঞ্জ, নারায়ণগঞ্জ



স্মারক নং- ০৫.৪১.৬৭৬৮.০০০.১৬.০০৯.২০- ৭১৬

তারিখ: ১২ কার্তিক ১৪২৭  
২৮ অক্টোবর ২০২০

সদয় জ্ঞাতার্থেঃ-

- ১। জনাব গোলাম দস্তগীর গাজী (বীরপ্রতীক), এমপি  
মাননীয় মন্ত্রী, (বস্ত্র ও পাট মন্ত্রণালয়), গণপ্রজাতন্ত্রী বাংলাদেশ সরকার।
  - ২। সচিব, স্থানীয় সরকার, পল্লী উন্নয়ন ও সমবায় মন্ত্রণালয়, বাংলাদেশ সচিবালয়, ঢাকা।
  - ৩। জেলা প্রশাসক, নারায়ণগঞ্জ।
  - ৪। চেয়ারম্যান, উপজেলা পরিষদ, রূপগঞ্জ, নারায়ণগঞ্জ।
  - ৫। ভাইস চেয়ারম্যান/ভাইস চেয়ারম্যান (মহিলা) উপজেলা পরিষদ, রূপগঞ্জ, নারায়ণগঞ্জ।
- অবগতি ও কার্যার্থেঃ

- ১। মেয়র, তারা পৌরসভা, রূপগঞ্জ, নারায়ণগঞ্জ।
- ২। উপজেলা .....কর্মকর্তা, রূপগঞ্জ, নারায়ণগঞ্জ।
- ৩। মেয়র, কাঞ্চন পৌরসভা, রূপগঞ্জ, নারায়ণগঞ্জ।
- ৪। চেয়ারম্যান.....ইউপি (সকল), রূপগঞ্জ, নারায়ণগঞ্জ।
- ৫। জনাব/বেগম.....

শাহ নুসরাত জাহান  
উপজেলা নির্বাহী অফিসার  
রূপগঞ্জ, নারায়ণগঞ্জ  
☎ ০২-৭৬৫০১০১  
☎ ০২-৭৬৫০০১৬

[unorupganj@mopa.gov.bd](mailto:unorupganj@mopa.gov.bd)